



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

XVI. Decembris. S. Adelheidis.

urn:nbn:de:hbz:466:1-38356

S ADELHEIDIS, filia Rodolphi bellicosi Burgundionum Regis, & Berthae Sueuorum Ducis filia, sanctitate vitae cum primis celebris, defuncto marito Lothario Hugonis filio, ditione Papiensi, tanquam patrimonio suo utens, à Berengario tyranno, qui solus regno praesse, & illius nomen obscurare, aut extinguere conabatur, timebatq; ne eam ditionem vna cum regno pro dote in alium transferret, in custodiam coniecta, ac variis iniuriis affecta & vexata est. Ex qua diuinitus educta aliisque grauibus periculis liberata, Cthoni Magno Germanorum Regi, qui capto tandem Berengario, potitus regno Italiae, Imperator factus est, matrimonio iungitur.

Imperatore marito longè post mortuo, pius exercitiis, perpetuò vacabat. Cum filio autem Othone usq; adeò feliciter regnauit, vt *Augustum omnium augustissima* dici mereretur. In diuersis orbis partibus plura Canoniorum, Monachorum, & Monialium canobia exstruxit, dotauit, ac Ecclesiam Cathedralē Augustanam restaurauit. Et si porro omni virtutum genere ornata, ab omnibus suspiceretur; praecipue tamen nomine liberalitatis erga pauperes commendabatur. Cum quodam die pauperum ad eam confluentium multitudo, numerum pnumorum quos secum habebat, longè excederet, miraculose aucti illi sunt in manu eius, vt singulis posset elargiri.

Obiit demum A. C. M. die XVI. Dec. miraculis clara, claudi enim eius intercessione sospitatem impetrarunt: Caeco item cuidam, ad eius sepulchrum dormienti apprensus, visum promisit, si principi eius loci predicaret grauem Dei vindictam in se suosq; nisi bona Ecclesiastica cuidam monasterio iniquè detenta, restitueret sine morâ: qua legatione perfunctus ille visum recepit. Ad eius sepulchrum ad insaniam redacti, aliisque grauissimis morbis correpti, & à daemoniis obsessi, ipsius meritis sanitati restituti sunt ac liberati. *Ex vita & Prop. August.*



S. ADELHEIDIS IMPERATRIX VIDVA ORD. S. BENED.
 Rodolphi Burgundi filia, Lotharii lialis, & Othonis M.
 Germanice R. post imp. coniux. aetate in Mon. Sela obiit.
 Ad cuius sepulchrum grauisimis correpti morbis sanati sunt.
 Ob. XVI. Dec. anno D. millesimo.

EL.